



Dinas a Sir Abertawe

Cofnodion Cyfarfod y Pwyllgor Datblygu Polisi Lleihau Tlodi

Ystafell Bwyllgor 5, Neuadd y Ddinas, Abertawe

Dydd Llun, 22 Chwefror 2021 am 3.30 pm

Yn Bresennol: Y Cyngorydd M Sherwood (Cadeirydd) oedd yn llywyddu

Y Cyngorydd(wyr)

C R Doyle
C Richards

Y Cyngorydd(wyr)

P K Jones
L V Walton

Y Cyngorydd(wyr)

D Phillips

Swyddog(ion)

Craig Davies
Jeremy Parkhouse
Joanne Portwood
Jane Storer

Lawyer
Swyddog Gwasanaethau Democrataidd
Swyddog Strategaeth a Pholisi
Senior Welfare Rights Advisor

Hefyd yn bresennol

Kat Watkins
Ange Bettany
Joyce Veheary

Rhwydwaith Cydgynhyrchu
Prosiect Room to Grow
Prosiect Benthycu a Thrin

Ymddiheuriadau am absenoldeb

Y Cyngorydd(wyr): E T Kirchner a/ac K M Roberts
Aelod(au) Annibynnol: Andrew Davies

19 Datgeliadau o fuddiannau personol a rhagfarnol.

Yn unol â'r Cod Ymddygiad a fabwysiadwyd gan Ddinas a Sir Abertawe, ni ddatganwyd unrhyw fuddiannau.

20 Cofnodion.

Penderfynwyd cymeradwyo cofnodion cyfarfod blaenorol y Pwyllgor Datblygu Polisi Lleihau Tlodi fel cofnod cywir.

21 Nifer sy'n hawlio budd-dal.

Cyflwynodd Jane Storer, yr Uwch-swyddog Hawliau Lles adroddiad a roddodd wybodaeth i'r Pwyllgor am y problemau ynghylch hawlio budd-daliadau, y rhesymau dros dan-hawlio, enghraifft o waith a wnaed yn y gorffennol i gynyddu'r nifer sy'n hawlio budd-daliadau, ymgyrchoedd cyfredol, nodi blaenoriaethau'r dyfodol o ran cynyddu'r nifer sy'n hawlio budd-daliadau a sut gallai'r Pwyllgor gefnogi'r gwaith hwn yn y dyfodol.

Amlinellwyd bod y Pwyllgor wedi nodi'r angen i gynyddu'r nifer sy'n hawlio budd-daliadau yn Abertawe. Nod mwyhau'r nifer sy'n hawlio budd-daliadau oedd sicrhau bod pobl yn hawlio'r hyn y mae ganddynt hawl iddo ac yn cynyddu incwm eu cartref.

Nododd yr adroddiad y problemau o ran hawlio budd-daliadau, gan gynnwys y canlynol: -

- Nid oes gan bobl ddigon o wybodaeth am y system fudd-daliadau na dealltwriaeth ohono;
- Mae staff yr Adran Gwaith a Phensiynau (DWP) yn cael eu hyfforddi yn y meysydd y maent yn gweithio ynddynt yn unig, a'u diffyg gwybodaeth gyffredinol;
- Rhoddir y cyngor anghywir yn aml i bobl sy'n cysylltu â chanolfan alwadau'r Adran Gwaith a Phensiynau, ac maent yn credu nad oes ganddynt hawl i unrhyw fudd-daliadau pan fo'r gwrthwyneb yn wir;
- Mae'r hyn y mae gan yr unigolyn hawl iddo'n dibynnu ar ei amgylchiadau ac mae'n aml yn gymhleth;
- Mae sefydliadau sy'n cynnig mynediad at gyngor diduedd am ddim yn cael eu llethu gan nifer mawr y ceisiadau;
- Gwneir newidiadau cyson i'r system fudd-daliadau, gan olygu bod hawlwyd yn symud i mewn ac allan o grwpiau hawl ac wrth i amgylchiadau newid, effeithir ar eu hawl; nid yw hawlwyd budd-daliadau'n sylweddoli y byddai hynny'n effeithio arnynt.

Yn ogystal, tynnwyd sylw at sawl rheswm dros pam y mae pobl yn tan-hawlio budd-daliadau ac roedd y rhain yn cynnwys diffyg adnoddau i helpu hawlwyd drwy'r broses; diffyg gwybodaeth am y budd-daliadau sydd ar gael; nid yw hawlwyd yn meddwl bod ganddynt hawl i fudd-daliadau; profiadau gwael yn y gorffennol; ailasesiadau parhaus; ofn; a stigma.

Trafodwyd graddau'r tan-hawlio a dywedwyd ei fod yn broblem eang ymhlith grwpiau penodol o bobl; dangosodd ffigurau a ryddhawyd yn 2016-2017 fod dros £16 biliwn mewn budd-daliadau sy'n destun prawf modd heb gael ei hawlio.

Amlygodd yr adroddiad y camau gweithredu a oedd wedi gweithio i gynyddu'r nifer sy'n hawlio budd-daliadau, gan gynnwys cynyddu ymwybyddiaeth o hawl pobl i gael budd-daliadau, herio canfyddiadau pobl o hawlwyd budd-daliadau gan gynnwys stereoteipio negyddol a darparu cymorth ychwanegol wedi'i deilwra i'r unigolion pan fo angen.

Amlinellwyd manylion yr hyn sy'n digwydd ar hyn o bryd, gan gynnwys yr ymgyrch hawlio credyd pensiwn, a darparwyd gwybodaeth am y grwpiau a gynorthwywyd gan ymgyrchoedd hawlio blaenorol.

Trafododd y Pwyllgor y canlynol: -

- Sut roedd y wasg yn barod iawn i adrodd am straeon negyddol ond yn cymryd amser i adrodd am hawliadau dilys a'r stigma y maent yn ei greu ynghylch hawlwyd a'r iaith negyddol a ddefnyddir;
- Y symiau bach iawn o arian o'i gymharu â symiau twyll busnes;

- Effaith unrhyw gyngor gwael/anghywir a ddarperir gan yr Adran Gwaith a Phensiynau;
- Proses apelio'r Adran Gwaith a Phensiynau;
- Y broses anodd y mae unigolion yn ei hwynebu i gael y budd-daliadau y mae ganddynt hawl iddynt, y cymorth ymarferol y gall y cyngor ei gynnig a'r cymorth y gall Cyngorwyr ei gynnig;
- Newid canfyddiadau'r cyhoedd ynghylch budd-daliadau a sicrhau bod unigolion yn hawlio'r budd-daliadau y mae ganddynt hawl iddynt;
- Y gamdybiaeth fod y rhan fwyaf o hawlwyr budd-daliadau'n ddi-waith pan fo'r mwyafrif naill ai'n gyflogedig neu'n bensiynwyr mewn gwirionedd;
- Sut roedd pandemig COVID-19 wedi dechrau newid canfyddiadau wrth i fwy o bobl sylweddoli'r anawsterau a wynebwr pan fyddant yn byw ar £94 yr wythnos;
- Y potensial i'r cyngor gynnwys gwybodaeth gyda biliau blynyddol Treth y Cyngor, er enghraifft trwy gynhyrchu taflen i'w dosbarthu ledled cymunedau neu ddosbarthu gwybodaeth drwy'r cyfryngau cymdeithasol;
- Cynnwys pob Aelod Seneddol/Aelod o'r Senedd mewn unrhyw gyhoeddusrwydd er mwyn gallu dosbarthu gwybodaeth yn ehangach;
- Defnyddio banciau bwyd lleol i ddosbarthu taflenni gyda pharseli bwyd.

Diolchodd y Cadeirydd i'r swyddog am ddarparu'r adroddiad a dywedodd y byddai trafodaethau ychwanegol yn cael eu cynnal mewn gweithgor ynghylch cefnogi ymgyrchoedd i hawlio budd-daliadau yn y dyfodol. Ychwanegodd y byddai'r taflenni sy'n cefnogi'r ymgyrch bresennol i ddefnyddio credyd pensiwn hefyd yn cael eu dosbarthu gan fanciau bwyd ac y byddent hefyd yn cael eu trafod mewn cyfarfod gweithgor.

Penderfynwyd nodi cynnwys yr adroddiad.

22 Rhannu Gerddi.

Cyflwynodd y Cadeirydd Ange Bethany o brosiect Room to Grow yn Uplands a Joyce Veheary, sylfaenydd Benthycyca a Thrin fel rhan o ymchwiliadau'r Pwyllgor i rannu gerddi.

Amlinellodd Ange Bethany fanylion y prosiect Room to Grow yn Uplands. Tynnodd sylw at y ffaith bod y prosiect wedi defnyddio a thrawsnewid 6 gardd flaen nad oedd neb yn gofalu amdanynt o jyngl concrit i erddi bwytadwy hyfryd, h.y. rhandiroedd bach, a'u bod am greu "coridor gwyrdd" o Brynymor Road yr holl ffordd i ganol tref Uplands.

Ychwanegodd fod y prosiect wedi derbyn ymateb anhygoel gan y gymuned a bod ganddo bellach gnwd cyson o gynnyrch o'r 6 thŷ sy'n rhan ohono. Dysgodd lawer mewn amser byr wrth wneud y prosiect ac mae wedi mwynhau gweld pobl yn stopio i fwynhau'r ardd a gofyn cwestiynau. Tynnodd sylw hefyd at fanteision niferus y prosiect i'r gymuned.

Yn y cam nesaf, roedd am weld faint o dai ychwanegol y gellid eu cofrestru ar gyfer y prosiect a gweld effaith weledol cael nifer mawr o erddi blaen wedi'u trawsnewid, a fyddai'n gatalydd ar gyfer newid cadarnhaol yn yr ardal. Byddai plannu gwelyau

uwch yn helpu i liniaru fflachlifoedd a byddai'r planhigion yn cynyddu ansawdd aer, yn gwella bioamrywiaeth ac yn darparu bwyd a mwynhad i'r gymuned.

Amlinellodd Joyce Veheary, un o aelodau sefydlu Benthycyca a Thrin sy'n brosiect ar draws y DU, fanylion y prosiect. Nodwyd bod cynghorwyr wedi derbyn ffilm fer i'w gwyllo, sy'n esbonio'r prosiect a sut y cafodd ei drefnu.

Esboniwyd bod y prosiect yn seiliedig ar achub gerddi nad oes neb yn gofalu amdanynt trwy rannu gerddi. Gallai perchnogion gerddi nad oeddent yn gallu gofalu amdanynt roi benthyg eu gerddi i'r prosiect a chaniatáu i'r rheini nad oes ganddynt ardd neu a oedd yn aros am randir ddefnyddio'r lle.

Ychwanegodd fod nifer o ddinasoedd yn cymryd rhan ledled y DU a bod y prosiect yn seiliedig ar rai egwyddorion syml iawn a oedd hefyd â'r nod o ddod â phobl at ei gilydd.

Trafododd y Pwyllgor y gwahanol agweddau ar y ddau brosiect gan gynnwys: -

- Ehangu'r ardaloedd sydd ar gael i'r ddau brosiect;
- Sut y gallai'r ddau brosiect gydweithio;
- Bod Room to Grow yn annog amrywiaeth o gynnyrch gan gynnwys llysiau, blodau a phlanhigion i ddenu pryfed peillio;
- Bod Room to Grow yn canolbwyntio ar erddi blaen;
- Ymgysylltiad cadarnhaol y ddau brosiect â'r gymuned;
- Y gweithdrefnau a ddilyniir gan y ddau brosiect, yn enwedig diogelu preswylwyr drwy sicrhau mynediad diogel i'r ardd heb fynd i mewn i unrhyw eiddo;
- Yr anawsterau parhaus a wynebwr gan y ddau brosiect drwy gydol pandemig COVID-19 a sicrhau bod pawb sy'n ymwneud â'r prosiectau'n glynu wrth y cyfyngiadau presennol;
- Bod yr Heddlu Lleol wedi cyngori pobl Room to Grow ynghylch sut i barhau â'r prosiect o fewn y cyfyngiadau presennol;
- Y potensial enfawr i ehangu'r ddau brosiect a'r manteision enfawr i'r gymuned/yr amgylchedd a gynigir gan y ddau;
- Defnydd cadarnhaol o wirfoddolwyr o'r cymunedau a fyddai o fudd enfawr iddynt;
- Sut gallai'r cyngor/y Pwyllgor gynorthwyo a hyrwyddo'r ddau brosiect.

Diolchodd y Cadeirydd i gynrychiolwyr y ddau brosiect am eu presenoldeb ac am amlinellu eu prosiectau. Ychwanegodd y byddai trafodaethau pellach yn cael eu cynnal mewn cyfarfod gweithgor ac yr adroddir wrth y pwyllgor am y cynnydd

Penderfynwyd nodi cynnwys y trafodaethau.

23 Cynllun Gwaith 2020-2021.

Darparodd y Cadeirydd gynllun gwaith wedi'i ddiweddarau ar gyfer 2020-2021.

Penderfynwyd nodi cynnwys yr adroddiad.

Cofnodion cyfarfod y Pwyllgor Datblygu Polisi Lleihau Tlodi (Dydd Llun, 22 Chwefror 2021)
Parhad

Daeth y cyfarfod i ben am 5.10 pm

Cadeirydd